

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Christus Verbis Ac Factis Potens

Pfaff, Johann Christoph

Tubingae, 1719

VD18 12419206

[urn:nbn:de:bsz:31-130321](#)

60A2691,1

EX
BIBLIOTHECA
ILLUSTRIS
CAROLI HESYCHEI.


33
= 11

CHRISTUS VERBIS AC FACTIS POTENS,

E X

MATTH. CAP. XXI. v. 18. -- 46.

ANTE OCULOS POSITUS

&

SUB PRÆSIDIO

DOMINI

JOHAN. CHRISTOPHORI PFAFFII,

SS. Theol. Doct. & Profess. Publ. Ord. Eccle-
siæ Tubingens. Decani, ac Illustris Stipendii Theolog.

Superattendentis Meritissimi.

Macenatis ac Patroni Studiorumque suorum Promotoris
humilime de venerandi.

Publico Eruditorum examini subiectus

ad diem Maji A. M D CC XIX.

Respondente

M. JAC. CHSITOPH. FESEL, SCHORND.

SS. Theolog. Studioso in Illustr. Stip. Theolog.

T U B I N G Æ,
TYPIS VIDUA GEORGII HENRICI REISII.

CHRISTI
VERBISAGEN
SOTER

MATTH. CAP. XXXV. 18-19.
ANTE OCTAVOS POSTERIS

20. IX. 1520.

DONIN

JOHAN. CHRISTOPHERI

PFAFFI

22. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

AL. T. DEP. DOG. P. PROTEL. I. P. O. B. E. C. C. E.

25



MATTHÆI

CAP. XXI.

Vers. XVIII.

Mane die lunæ autem Matthæus hoc post templi repurgationem factum recenset per *υτερων*, quod ante illam contigisse enarrat Marcus c. XI. 12. revertens in hostilem urbem, ne se subducere velle videretur, ipsu[m] vel occulis c. XX. v. 14. vel audituris v. 22. vel visu[ris] Luc. XXI. 34. confer Joh. XII. 21. esuriit, quod inaccenatus pernoctaverat in precibus. Hæc famæ erat tum occasio miraculi, tum argumentum verae in Christo & humanitatis conf. Matth. IV. v. 2. VIII. 24. Luc. XIX. 41. Joh. IV. 6. XIX. 23. & exinanitionis. conf. Phil. II. 7. Eb. II. 17. IV. 15. tum denique piaculum æternæ famis quæ nos ex cruciatura fuisset. Joh. VI. 35. Apoc. VII. 16.

XIX.

Et videns è longinquo, Marc. XI. 13. fici satis alias succidam arborem, quæ frondosæ quidem sed infrugiferi Israëlis typus atque figura Jer. XXIV. 2. Mich. VII. v. 1. Luc. XIII. 6. secus viam frugiferis arboribus utrinsecus constitam, venit ad eam (uti descendit exploratum & Sodomitas Gen. XVIII. 21. adeoque) non ex ignorantia, qualis quidem ab humanae in Christo naturæ actu haud adeo abhorret. conf.

A 2

Marc.

Marc. XIII. vſ. 32. sed œconomiā, uti & longius se ire simulabat. Luc. XXIV. 28. & nihil ne grossos quidem reliquiasve marcas invenit in ea, tempus non fuisse caricarum Marc. XI. 13. & pueris fuerat notum, quanto magis Christo? conf. Luc. XXI. v. 29. Nihilo minus id quoque requirit Dominus, quod in nobis minime esse optime novit, nisi tantum præcœs vix fructus promittentia folia hypocritœos figuræ. conf. Gen. III. 7. 2. Tim. III. 5. Jud. 12. & ait, non ex iracundia inediae impatiens, ἀναμάρτυτος quippe ac longanimis, conf. Luc. IX. v. 55. 56. sed ad præfigurandum postremum in Judæos Judicium illi ut alias mari præcepit Marc. IV. v. 39. ita & minutur h. l. ratione æque cassæ sicui Nunquam ex te alias bisera fructus nascatur in sempiternum. Terra infrugisera maledictioni est obnoxia Eb. VI. 8. illico adeoque dictum factum. En divinæ potentia specimen Gen. III. 17. fculnea arbor præ aliis succida exaruit mox quoad folia, postridie verò & quoad radicem Marc. XI. v. 20. qualia omnes arbores steriles manent fatali. Matth. III. 10. Luc. XIII. 7. v. & peculiares in h. l. Disputationes S. Schmidii Fas. pag. 737. Heideggeri Tom. III, pag. 634. Wizii Melet. Leud. pag. 403.

XX.

Et videntes postridie Marc. XI. 20. discipuli, qui Christo facultatem esse & perdendi ex Matth. VIII. 32. haud amplius memores, inde mirati sunt, Præstat mirati DEI opera quam negligere Jes. V. v. 12. dicentes: quomodo πῶς nota est non tantum interrogantis simpliciter, sed sepe & admirantis Jes. I. 21. Luc. I. v. 34. Joh. VII. 15. Act. II. 8. illico exaruit ficus; Judicia DEI securos obruant repente Ps. LXXXIII. 19. Jer. LI. 37. 1. Thel. V. 3.

XXI.

Quoniam excidium arefactione ficus præfiguratum Judæos mansit ob ἀποστολ. Rom. XI. v. 20. explicatione hujus figuræ tantisper suspensa & alibi obvia V. v. 19. ad vivam properans Praxin fidem commendat tum illam, quam talia Judicia præcaveri vſ. 22. tum illam, qua paria patrati miracula possunt vſ. 21. respondens autem JESUS ceu Doctor

ac

ac Interpres voluntatis Divinæ omniumque Mysteriorum Joh. I. v. 18
 Apoc. III. 7. V. 5. ait eis, non tantum Apostolis conf. Matth. X. 1.
 sed reliquis etiam Thavmaturgis conf. 1. Cor. XII. v. 9. 10. Amen di-
CO VOBIS sermo de re ardua est, quæ discipulis videbatur ferme impossibilis, hinc interponitur Juramentum si habueritis fidem, de fide πρώτως h. l. agitur miraculosa, hac enim montes transferuntur Matth. XVII.
 19. 20. δευτέρως de salvifica quoque, in quā orarunt Apostoli v. 22. promis-
 sioni uti illa Divinæ omnipotentia, ita hæc incumbit misericordia, ita ut utra-
 que hæsitantiam excludat. & **NON** in corde Marc. XI. 23. hæsitaveritis.
 Per dubitationem ita magis tollitur quām potest definiri 1. Tim. II. 8. Jac. I.
 v. 6. non solum de fico facietis ea, quæ modo feci ego Christus, sed
 & Hebræi Doctores suos insigniores assentatoriè vocabant *Montium*
translatores, hoc Christus tribuit fidei, dicens: si monti huic
 dixeritis juxta voluntatem DEI 1. Joh. V. 14. & ex fide Marc. XI. 23.
 tolle te & jacta te in mare, per montem ab Hieronymo Satan
 intelligitur, malum tamen capere proprie cum Chrysostomo. Montes
 enim sunt firmissimi Psalm. CXXV. 1. Jes. LIV. v. 10. unde remotio
 ipsorum pro re habetur stupenda Job. XIV. 18. Psalm. XLVI. v. 3. 4.
 Apoc. VI. 14. VIII. 8. 1. Cor. XIII. 2. & pro planè Divina Job. IX.
 5. Hoc quidem loco phrasis est conditionalis ac proverbialis posita cer-
 ta specie pro genere, (miraculorum) fidei tamen Apostolorum non de-
 rogat, et si nullibi extet ipsos conditionem implevisse montesque transpo-
 suisse. Multa enim in scripturis non leguntur, leguntur autem de Apo-
 stolis longe majora, ejactio scil. diabolorum ac resuscitatio mortuorum
 Joh. XIV. 12. E. contrario nonnulli Apostolis longe minores e. g. Gre-
 gorius Thavmaturgus ingens Saxum & Christiani in Tartaria montem
 dimovisse dicuntur, & fieri si DEI gloria Evangelique confirmatio id
 poscant. Nos quoque montes removemus, omnem scil. altitudinem tum
 superciliosorum Philosophorum, tum diabolicam Oraculorum 2. Cor. X.
 5. ne portæ prævaleant inferorum Matth. XVI. 18.

XXII.

Et non tantum quædam, nulla alias foret exauditionis certidudo,

A 3

sed

sed omnia quæcunque bona vñ. 21. VOS boni Joh. IX. 31. 1. Joh. III. 21. 22. petieritis in oratione bene i. e. juxta DEI voluntatem 1. Joh. V. 14. homo sine Jacobi IV. 3. & perfiditeranter Luc. XVIII. 1. credentes Jac. I. 5. 6. 7. fides maxime miraculosa intelligitur. accipietis, tanta est precum efficacia exauditionisqne certitudo. Jac. V. 16. & contra male precati nil accipiunt. Jac. IV. 3 ut filii Zebedæi nec honores Matth. XXII. 22. nec Apostoli ignem è celo obtinuerint Luc. IX. 55. Multo minus preces nunc obtinebunt perfectionem nondum viatoribus sed deum comprehensoribus propriam, alias DEUS ad cuiusvis preces religiosi discrip̄m tollere debet. Ecclesiam militantem inter ac triumphan̄em.

XXIII.

Et cum denuo, die quippe Martis in templum ubi doctrinæ populus manè exspectabat Luc. XXI. 38 accesserunt eum maxime evangelium docentem conf. Jes. LXI. 2. Math. IV. 23. XXVI. 55. Luc. IV. 18 43. XXI. 1. Joh. VIII. 2. principes sacerdotum & seniores populi & scribæ Marc. XI. 27. quies tribus ordinibus absolvebatur synedrium, penes quod tum Jus vocandi & inquirendi in Doctores erat; dicentes non discendi animo sed illaqueandi, sperabant enim, ipsum, si se mediæ vocatum dicturus foret, falsi crimen aperte commissurum esse, temeritatis vero ac Jackantiae omnibus Pseudoprophetis familiari notam incursum, si se immediatè vocatum profiteretur. in qua potestate hæc facis? seniores hi omnia Christi miracula in Satanæ potestate fieri omnino supponebant Matth. IX. 34. XII. v. 23. hinc ipsis quæstio hic non de miraculis fuisse potest, sed potius de publica Doctrinæ Evangelicæ professione, & quis dedit tibi hanc potestatem. Heterodoxi cum orthodoxorum doctrinam refellere nesciunt, aliarum vocationem, uti Johannis B. Pharisæi Joh. I. 25. Apostolorum sacerdotes Act. IV. 1. & Lutheri totus Papatus v. Gerh. C. C. f. m. 60. Dötsch. in Ex. IV. p. 6. & B. Thum. d. reform. Luth. p. 3. nec non Walemburch. d. Missione Protestantum f. 910. & seqq.

XXIV.

Respondens autem JESUS ex superfluo, ad quæstionem adeo

deo insidiosam nullum debuisse responsum videtur, cum vocationis suæ divinitatem interrogantibus jam pridem reddiderit quam perspectissimam Matthæi XXII. 16. Joh. III. 20. quam quoque innotuisse pridem oportuerat ex cœlestis Patris oraculo, Matth. III. vers. 16. Joh. V. vers. 36. populi Judicio, Luc. VII. 16. Joh. VI. 14. VII. 40. 41. XI. 42. XVII. 8. & miraculorum testimonio, Joh. V. 36. præsettum novissimorum. Unde enim promitudo, qua asinam & pullum Heri permittebant Apostoli? Unde mirus in excipiendo Rege paupere tot hominum consensus? Unde Hosianna puerorum? unde terror ac fuga tot vendentium ac ementium? Ex quibus omnibus vis sublimior reluxit; ubi vero vis se exerit cœlestis, fructa queritur: Ex qua potestate ea siant? nihilominus dixit **eis** per ἀντερωτησού, ad quam si principes sacerdotum dextrè responderet voluissent, quæstionem quoque suam vs. 23. propositam una solvissent. **interrogabo vos & Ego unum de ἀντερωτησού**, vid. Dannhaeui Polem. p. 101. sermonem ἀντερωτησα Latini thurcum Jurgium & Horatius item lite resolvere dixit. quem si dixeritis mihi uti vos oportet, nec de Baptismo Johannis aliter respondere potestis, quam esse illum è cœlo, quod autem & ego vobis dicam in qua potestate id faciam, quæ scilicet potestas docendique autoritas & que è cœlo & mihi obtigerit, teste vel ipso Johanne B. in Ev. Joh. c. Matth. III. vs. 11. 12. Joh. I. 15. 19. 26. 29. 33. 34. III. 29. Quando itaque Papatus querit ubi Ecclesia fuerit ante Lutherum? Respondemus // similiiter ἀντερωτηματικῶς: ubi Ecclesia fuit ante Christum? Et quicquid responderint Pontifici, ipsis quoque responsum esto.

XXV.

Baptismus id est, Synecdochice universum Ministerium, in quo tamen baptismus eminebat claritate, vid. Dorsch Penta D. pag. 157. **Johannis** ceu præclari Ministri non Magistri Joh. I. 27. utilex dicitur Mosis Luc. II. 22. Act. XV. 5. & Evangelium nuncupatur Pauli, Rom. II. 16. Perperam itaque ex hac Phras: **Baptismus Johannis**, à Johanne institutus videtur Bellatino inde colligenti, Baptismum Johannis non fuisse eundem cum Baptismo Christi d. Bapt. cap. XX. f. m. 279. Unde erat? è cœlo s. à DEO conf. Psalm. LXXXIII. 9. Dan. IV. 23. qui Johannem



Johannem misit Luc. III. 2. Joh. I. v. 6. 23. 33. si hoc, Baptismus Jo-
hannis utique idem specie fuit cum baptismo Christi, an ex homini-
bus, eadem prope oppositio recurrit: Act. V. 38. ubi Gamaliel dixit:
Si ex hominibus consilium hoc aut opus, dissolvetur, si ex DEO,
non poteritis dissolvere. at illi cogitabant inter se dicentes clam
si verum fassi dixerimus: è coelo; capti sumus, nam dicet no-
bis: quare ergo non credidistis ipsi de me testanti? Non est
consilium contra Dominum Job. V. 12. 13. Ps. XXI. 30. Luc. XXI. 15.
1. Cor. III. 19.

XXVI.

Si autem dixerimus: Ex hominibus, quod quidem fal-
sum timemus à Johanne baptizatam hicque præsenrem turbam nos
inde lapidaturam Luc. XX. 6. Parati ita ad mendacium erant, timo-
re tantum (non DEI, sed) hominum cohibiti; omnes enim ha-
bent Johannem ut Prophetam, qualis etiam fuit Luc. I. v. 76.
imò plusquam Propheta Matth. XI. 9. Iuc. VII. 26. Tale est Hypo-
critarum ingenium, ut homines plus timeant quām ipsum DEUM Psalm.
XIV. 5. XXXVI. 2. LIII. 6. Syr. XXIII. 28.

XXVII.

Et respondentes JESU ne vici ab ipso viderentur adque si-
lentium redacti, dixerunt tanti Rabbi ac Duces cœcorum scil. Nesci-
mus, maluerunt ignorantiae notam incurrire quām correptionis vitæ
periculum. Extraordinarie missos miraculis tamen non indigere proba-
mus alias exemplo Johannis B. quod ut subvertat Bellarminus, Johannem
illum nil docuisse contra communem Doctrinam, neque se à ceteris sacer-
dotibus separasse statuit ex eo, quod interrogati Matth. VI. de Baptismo Jo-
hannis non sint ausi illum improbare L. IV. de Not. Eccl. C. 14, f. m. 207. At
improbare illum hac vice non audebant, non ex Amore Baptista, sed metu ple-
bis vs. 26. quem pridem reprobarunt Luc. VII. 30. 33. Ait eis & ipse non
uti modo illi: *Nec ego scio;* sed *nec ego* diserte dico vobis men-
dicibus simulatoribus liquidoque responso plane indignis in qua potesta-
te hæc facio. Hoc tamen exemplo nondum probari potest: Doctorem
alicujus dogmatis non teneri ad respondendum, sed hoc sequitur, non teneri
orthodo-

orthodoxum, ut Thesin veram jam sufficienter probatam Theologice & superfluè repeatat, præsetim coram induratis ac irrisoribus Prov. XXVI. 4. Matth. VII. 6. Hulsem. de præscriptione p. 48. 49.

XXVIII.

Quid autem vobis cause bonitate freti, ad ipsorum etiam adversiorum Judicium sæpe provocamus Jes. V. 3. videtur. Ad quæstionem vs. 25. propositam responsione categoricâ non obtenta Christus adversarios alia aggreditur viâ parabolis, quarum nequit duas tale vel tandem elicitus responsum, quod in ipsis retorquere post potuit vs. 29. uti pridem David 2. Sam. XII. 6. & Propheta 1. Reg. XX. 39. **Homo quidam.** Hoc nomine DEUS ob summam *Φιλανθρωπίας* sæpe venit Matth. XVIII. 12. 14. uti & Patris Deut. XXXII. 6. Jes. LXIII. 16. LXVI. 8. Malach. II. 10. Matth. XX. 1. habebat duos filios quorum primus typus verè pœnitentium, alter figura hypocritatum fuit & accedens ad primum conf. Matth. XX. 2. dixit ei: vade hodie conf. Gen. XII. 1. operare in vinea mea. Mich. VI. 8. Luc. X. 28.

XXIX.

Ille autem respondens ait: Nolo Tantus est hominis post lapsum renixus Jer. XLIV. 16. 17. Matth. XI. 17. XXII. 3. 4. XXIII. 37. Luc. VII. 30. XIX. 14. Act. VII. 51. postea vero pœnitentia ductus abiit, de nullo est peccatore desperandum sed Janua gratiae patet omnibus nec est qui ad frugem redire nequeat. Matth. IX. 13. Luc. XXIII. 43. Ezech. XVIII. 33. 1. Tim. I. 15. II. 4.

XXX.

Accedens autem ad alterum dixit similiter conf. Matth. XX. 7. at ille respondens ait: eo, verba Hypocitarum semper sunt bona in speciem, Psalm. LXXVIII. vers. 10. Jes. XXIX. vers. 13. Rom. II. 23. Domine hunc titulum frater natu major omiserat vs. 29. sed familiaris is est hypocritis Matth. VII. 21. & non ivit factis potius quam modo verbis Domini impletur voluntas Ezech. XXXIII. vers. 30. 31. 32.

B

XXXI.

XXXI.

Quis ex duobus fecit voluntatem Domini? non amplius dicunt: nescimus, ut vers. 27. sed respondent ei: Primus, cuius si non verba tamen facta Patris voluntati responderunt, dicit illis JESUS: Amen dico vobis, quod publicani & meretrices, non qua notorii & publicè infames peccatores, sic enim damnantur Matth. III. 7. XXIII. 13. Eph. V. 5. sed in ampliatione conf. Matth. XI. 5. qui fuerunt tales sed resipuerunt vs. 32. 1. Cor. VI. 11. ut Matthæus: Matthæi IX. 9. & illa Luc. VII. 37. ut ita ex hoc loco lupanaria oppugnentur felicius quam defendantur vid. Bald. C. C. p. 890. præcedent, non ac si & impii sacerdotes essent in vitam æternam selecti, uti Libertinis visum, sed prælatio vim & negandi habet Matth. V. 20. Luc. XVIII. 14. Joh. III. 19. 1. Cor. VII. 9. Et sic præfertur Pecatrice Simoni Pharisæo Luc. VII. 44. adultera accusatoribus Joh. VIII. 7. Publicanus Pharisæo Luc. XVIII. 13. Publicani & peccatores Pharisæis Matth. IX. 13. Gentiles Judæis Jes. LXV. 4. Matth. VIII. 11. Act. XIII. 46. Rom. IX. 30. X. 3. conf. Thren. IV. 6. Ezech. XVI. 48. ut taceam primogenitum & illum audire quem nulli ali sequuntur nati. VOS quos improba propriæ Justitiæ præsumtio non retardat tantum sed regno DEI plane excludit Matth. IX. 13. Luc. XV. 7. in regnum DEI Primi erunt ultimi, & hi erunt primi, Matth. XX. 16. vid. Trigladius Antapol. p. 350. b.

XXXII.

Venit enim præcipue ad vos Johannes in via Justitiæ. Quoad integratem non tantum morum sed etiam Doctrinæ fide dignæ, conf. Prov. XVI. vs. 31. Marc. VI. vs. 20. & non credidistis ei, quod agenda sit penitentia & quod Messias prope sit &c. sed potius ipsum sprevistis Matth. XI. 17. Luc. VII. 30. publicani & meretrices in ampliatione, quæ Scripturæ familiaris Matth. X. 3. XI. 5. XXVI. 6. Rom. IV. 5. Jacob. II. 25. Apoc. II. 19. crediderunt ei. Prov. XXVI. Matth. III. v. 5. 6. XIV. 2. Socino quidem credidisse. h. l. idem est ac parvissime Lib. IV. cap. 11. de Servat T. II. f. m. 235 At.

At quæ connexa sunt seve invicem insequuntur, non statim & idem sunt. 4
 Qui rectè pugnat, coronatur, nec tamen pugna formaliter est corona,
 sic & qui credit, obedit, nec tamen fides formaliter obedientia est,
 vid. Thumm photin. pag. 400. VOS autem videntes illa omnia,
 falso ignorantiam simulatis vs. 27. nec poenitentiam μετανοώστ
 s. contritionem habuistis. poenitentia usque & usque locus est, Ezech.
 XVIII. 21. XXXIII. 11. Math. VII. 19. 22. 23. Luc. XV. 12. Joh.
 VI. 37. VIII. 11. I. Ten. I. 15. ut crederetis ei. Nihilominus
 Musæus d. Conv. p. 40. putat cum nomine totum significante sæpe con-
 jungi & partis nomen præstantioris, quamvis implicitè in illo contentæ
 Conf. M. 7. XVI. 7. sola ἀπίστα finalis nullis exemplis doctrinæ argu-
 mentisque nullis expugnabilis formaliter damnat.

XXXIII.

Aliam parabolam ejusdem prope argumenti cum præcedente
 auditè vos proceres una cum plebe Luc. XX. 9. Homo erat Pa-
 ter Familias Deus Pater Joh. XV. 1° vid. not. 48. qui plantavit,
 uti Noa Gen. IX. 20. Vineam in terra S. i. e. Ecclesiam Psalm.
 LXXX. 9. Jes. V. 1. Jer. II. 21. & sepem circumdedit ei
 Psalm. LXXX. 13. Jes. V. 25. Ambrosius in Luc. XX. intelligit mo-
 numenta, queis pronaea Divina Ecclesiam circumvallavit. Conf. Deut.
 IX. 1. Psalm. LXXXIX. v. 41. CXLVII. 13. Autor op. imperf. legem
 conser. Eph. II. 14. & fodit in ea torcular Jes. V. v. 2. Origenes
 aram intellexit, in qua pecudum sanguis ceu mustum redundavit, Ger-
 hardus H. E. f. m. 333. b. ad pressorium crucis resert, quod sæpe
 madet sanguine, conf. Jes. IL. 26. Apoc. XIV. 19. 20. & ædifica-
 vit turrim s. speculam Ministerii ordinarii Jes. LII. 8. LVI. 10.
 Jer. VI. 17. Ezeh. III. 17. XXXIII. 2. Hieronymus intellexit ipsum
 templum in monte Moria, & locavit eam agricolis, Sacerdoti-
 bus, qui nomine operariorum veniunt Matth. IX. 37. X. vs. 10. 2. Tim.
 II. 6. Maldonatus ex voce elocationis, operum merita elicere conatur,
 sed frustra. Non enim in parabolis omnia sunt argumentativa. Dein-
 de alia est merces liberalitatis & gratiae, alind virtutis stipendum,

B 2

alio

alia laboris remuneratio, uti recte Ambrosius lib. 1. ep. 1. & peregre profectus est, stupendis DEUS miraculis & oraculis suam prætentiam in Israël, fuit contestatus, quies cessantibus post videbatur peregre abiisse. conf. Hos. III. 4.

XXXIV.

Cum autem tempus pacificum, conf. 1. Reg. IV. 25. Gal. VI. 10. fructuum fidei, obedientiæ, precum, &c. Gal. V. vers. 22. appropinquasset, misit, successive vs. 35. 2. Paral. XXXVI. 15. servos suos, i. e. Prophetas qui Servi DEI passim audiunt Ex. XIV. 30. Jos. I. 1. 2. Reg. IX. 7. XVII. XXIV. 2. ad agricolas. Ministros ordinarios, ut acciperent debitos fructus ejus Joh. XV. vs. 2. & ut ad reddendam eorum rationem vocarent sacerdotes.

XXXV.

Et agricultoræ apprehensis servis ejus, Matthæus h. Ioe. non observat ordinem naturalem, uti quidem Marcus atque Lucas. alium percusserunt, uti Passur Jeremiam Cap. XX. 2. & Sedekias Micham 1. Reg. XXII. 24. adde & Ebr. XI. 36. alium occiderunt, uti Manasses Jesaiam & Amos v. & Neh. IX. 26. Eb. XI. 37. alium verò lapidarunt, uti Zachariam Jojadæ filium 2. Paral. XXIV. vers. 21. & Jeremiam ap. Tertul. Dura est Servorum DEI provicia, 1. Cor. XV. vers. 31.

XXXVI.

Iterum misit alios servos plures prioribus Jer. XLIV. 4. Matth. XXIII. v. 34. 37. Gratia DEI longa est nullaque mortaliuna pervicacia superabilis Job. XXXIII. 29. 30. Thren. III. 23. & fecerunt iis similiter, Matth. XXIII. vs. 37. Indurati sunt monitoribus asperi & usque crudeliores, ut Pharaon V. Rom. II. 3. 4.

XXXVII.

Novissime autem finit in plenitudine temporis Gal. IV. v. 4. Pater Ebr. I. 1. misit ceu legatum Matth. X. 40. XV. 24. Luc. IV. 18. Joh. III. 17. IV. 34. nec legatus semper inferior est, uti nec Rector Senatu à quo mittitur, vid. Dorsch. Theol. Zach. I. p. 148. ad eos proceres, præcipue Filium suum.

VIII.

Præmissis servis longè superiorē ac nobiliōrem Ebr. III. 6. Adeò DEUS dīlexit mundū Joh. III. v. 16. Rom. VIII. 31. dicens: intra se verebuntur de jure scilicet uti multa verba actionem notantia pro Jure, æquo ac debito posita invenias Matth. XXVI. v. 52, gladio peribunt id est, perire debent, ita & hunc locum exponas revereri debebunt. V. Glass. Can. VI. d. verbo p. m. 556. Equidem Luc. XX. 13. adjectum est *τόπος*, quod tamen hoc non est *forsan* sed idem ac *æque* ac *competenter*, conf. Jer. XXXVL 3. 7. Ezech. XII. 3. Filium meum unigenitum. conf. Rom. VIII. 15.

XXXVIII.

Agricolæ autem videntes Filium quanta horum beatitudine Luc. X. 23. 24. dixerunt intra se, Ipse pleni tot servis impune sublatis, sibi fore homicidium & filii impune. Hinc invertunt quasi argumentum: Dixerat Herus: verebuntur Filium meum, coloni contradicunt. Hic est hæres Psalm. II. 7. Ebr. I. 2. *E. occidamus eum.* Sciverunt ita Christum esse Filium DEI Joh. III. 2. VII. 28. XV. v. 24. utut multi affectata ignorantia laborant Luc. XXIII. 34. Act. III. 17. 1. Cor. II. v. 8. *venite occidamus eum*, conf. Gen. XXXVII. 20. Jer. XI. 19. Sap. II. 12. Sanguinaria hujusmodi consilia præsertim contra filium DEI agitata videoas Joh. VIII. 40. 59. XI. 50. 53. 57. Luc. XI. 47. XXII. 2. & habebimus ut Ahab. 1. Reg. XI. 16. hæreditatem ejus. Propositorum hoc ut crudelissimum, ita quoque stolidissimum erat; Nam hæres scriptus, qui testatorem occidisse comprobatur, Jure hereditario excluditur lib. III. ff quod si qui hæredem tantum vulneravit hæreditate indignus, quantum magis qui occidit? vid. Stryck. de success. ab intestato. p. 1193. & Wissenbach. ad pand. pag. 690.

XXXIX.

Et apprehensum eum in horto Marc. XIV. vers. 46. Ioh. XVIII. 12. ejecerunt extra vineam extra Jerusalem Matth. XXVII. 37. Luc. IX. 31. Joh. XIX. 17. Ebr. XIII. 11. 12. 13. & occiderunt *θεατρων οἰκου* illi Principem pacis Dominum gloriae ac Autorem vitæ manu impiorum Act. II. 13. III. 15. 1. Cor. II. 3. En & in hoc insigne in Christo & Patientia & præscientia documentum, in colonis vero summum malitiæ gradum.

B 3

Cum

XL.

Cum ergo venerit Judicatus Jes. III. v. 14. Dominus vineæ cum exercitu suo v. Matth. XXII. 7. quid faciet Agricolis suis. His Christus sacerdotum exigit Judicium ut omnes reddat *avionataxpi* Jes. V. 3. 5.

XLI.

Ajunt contra semet ipsos ut David illi Proceres, quæ verba eum Christus repetita in ipsos retorserat, illi resorbent Luc. XX. v. 16. Malos male perdet est Paronomasia similis illi: *Mali corvi malum ovum*, & vineam suam locabit aliis agricolis gentibus sc. Matth. VIII. 11. 12. Act. XIII. v. 46. qui reddent de Jure ei fructum temporibus suis Matth. XXI. 43. Grata DEI nulli certo populo est adstricta, Jer. VII. 12. Rom. XI. 11.

XLII.

Dicit non amplius subobscurè ut hactenus in parabolis sed clarius, nunc quidem ex ore Davidis illis parabolam utramque quam primum ipsos peti illam audiebant, à se amoltis verbo *Abst* Luc. XX. 16. **JESUS:** Nunquam vos scribæ & legis periti, qui vobis clavem scientiæ arrogatis, legistis in scripturis præsertim in Psalmo CXVIII. patetis quoque noto, hisque modo diebus decantato in templo vers. 25. 26. Lapis Christus, qui nomine hoc sepe venit Jes. XXXVIII. 16. Dan. II. 34. 35. Zach. III. 9. 1. Petr. II. 6. quem reprobarunt Luc. XXIII. 18. non tam plebei quam architecti i. e. Doctores, nam ædificare est docere Jer. I. 10. Rom. XV. 20. 10. Cor. III. 10. Gal. II. 18. hic factus est in structura Spirituali Ecclesiæ universalis in caput anguli, quod utrumque connectit parietem i. e. Judæos ac gentes in unum committit corpus mysticum Eph. II. 14. 20. A Domino & non humana arte factum est id *avta*, fæmininum pro neutro, hebræorum more qui neutro carent v. Psalm. XXVII. 4 XLI. 12. Et Slevogt Disp. p. 1429. quod lapis rejiculus in caput consurrexit anguli, & hoc mirabile est in oculis nostris. Adeo mirabilis est DEUS ut ex pessimis elicere calleat optima Gen. L. 20. Rom. VIII. 24.

XLIII.

XLIII.

Ideo ob labruscas scil. tam indigni repudii conf. Jes. V. 2. dico
ego mentiri nescius vobis, quod auferetur à vobis ingratiss. Judæ-
is ac repugnacibus regnum DEI Gratiae f. Ecclesia Matth. VIII. 12.
XXII. 8. 9. & dabitur genti alii scil. gentilitati Luc. XIV. 21. 24.
Act. XIII. 46. Rom. IX. 26. XI. 11. 12. 22. facienti fructus regni
eius quos herus expectat Luc. III. 8. Eph. V. 9. Gratia DEI nulli cer-
to loco est adstricta Jer. VII. 12. nec tamen ullibi cedit nisi petulanter
excussa atque pulsata. Quantò minus Decretum æternæ reprobationis ab-
solutum est? vid. Hilm. Breviar. cap. VIII. §. 6. & XIV. §. 6. p. m.
168. & 374.

XLIV.

Et qui proterve ceciderit super lapidem illum i. e. quis-
quis ad illum qui in se petra salutis, offenderit Jes. VIII. 14. 15. Rom.
IX. 26. non lapidi nocebit, sed sibi, nam confringetur Luc. II. 34.
1. Petr. II. 8. ut vas figuli Jer. XIX. 11. conf. & Zach. XII. vers. 3.
super quem verò ceciderit in ira per gravia judicia conteret
eum funditus. Psalm. II. 9. XVIII. 43. Jes. XXX. 14. Dan. II. v. 44.
Ego sum ille lapis in quem quæstio vestra vers. 23. impingit, quid vos
ergo aliud manet quam æternum exitium.

XLV.

Et cum ita audissent principes sacerdotum & phari-
sæi parabolas ejus, cognoverunt, vel tandem quod de ipsis
Christus diceret nec non eas applicaret. Conscientia si saucia punga-
tur, protinus persentiscit e. gr. Davidis 2. Sam. XX. 13. Regis Israhelitici
1. Reg. XX. 43. Judæ Matth. XXVI. 25.

XLVI.

Et quærentes eum qui venerat quæstum ipsorum perditas a-
nimæ tenere. Didactrum Doctorum in mundo est odium ac perse-
cutio Prov. XXVII. 3. Amos V. 10. Joh. XI. 53. timuerint turbas
proceribus suis saniores Joh. VII. 48. 49. Episcopius purat quod DE-
US hunc metum altè Pharisæorum animis infixerit coque impediverit
ne

ne violentas Christo manus injicerent, Lib. IV. institut. c. X. f. 378. sed aliunde magis ille procerum timor videtur fuisse ortus, quoniam non pro vulgari homine sed sicut Prophetam eum Christum sc. habuerunt. Timent interdum improbi ad magnam dignitatem ac autoritatem evecti populam, ejusque metu multa nefanda perpetrare non audent, quæ alioquin perfidere maximè cuperent, ut Herodes Matth. XIV. 5. Sacerdotes Luc. XIX. 48. XXII. 2. Principes populi Act. IV. 21. Praefectus cum Ministeris Act. V. vs. 26. Huc pertinet dictum Chrysostomi: *Sepe enim, quæ propter DEUM minime siebant, propter pudorum sunt facta, & quæ DEI causa ut velimus, non adducimur, ea timore hominum suscipimus.* Homil. IV. in epist. ad Philipp. I. Tom. IV. f. m. 941. b.

Clarissimo Domino M. Respondenti,

S. P. D.

P R A E S E S.

IN vineam Domini nuper extrusus es, operas inibi vicarias præstitum. Ne studiis verò Academicis planè valedixisse videaris, ad pulpta Scholæ nostræ post ferias reverti decrevisti, specimenediturus polemicum. Et ne sic quidem male. Boni enim Pastoris est, palere non tantum scripturæ floribus agnos, sed lupis quoque occurrere. Ut Architecti Hierosolymæ, qui urbem sanctam reædificabant, alterâ manu muros condabant, arma tenebant alterâ, ita Ministro Ecclesiæ non tantum ea incumbunt, quæ ad ædificationem faciunt, sed & illa non minùs, quæ ad sanctæ fidei inferiunt defensionem, unde omnis quoque scriptura utilis est tūm ad doctrinam tūm ad Blenchum. Fac itaque, ut proficias usque in utroque, & abibis in vas DEI electum Ecclesiæque utile, spem Amplissimi Domini Parentis si non superabis, implebis tamen, denique & Clarissimum Dominum Avunculum in summam adduces expectationem.

VALE! prid Cal. April. An. CIC. CCCXIX.

F I N I S.

I, A

B. E. E.
C. G. O.
L. S.
G. L.
F. B.
H. J. G.
B. P.
A. G.
M. J. D.
D.
E. M.
J. C.
W. H.
C. H.
L.
R. S.
S. B.

